















遊天竺寺晚歸

寺隱翠微中
煙霞一徑通
客來青嶂雨
山動白雲鐘
秋色分蓮界
天香落桂峰
金沙歸路晚
流水意無窮



秋社喜王十嶽至自山中

蟬鳴湖上社
花落暮城陰
高適三秋意
王維千里心
莫憐黃葉變
且醉白雲深
遠道新安至
應多江上吟

秋日寄懷左澹成

閒居發秋興
散髮謝人群
掃徑醉黃葉
倚樓歌

白雲道書那復省世事不相聞忽憶江東客青
山如對君

同徐龍灣山亭夜集惜別一首

宴遊耿深夜泛露忽驚秋河影澹欲落池光凝
不流斗酒醉白月層岩坐清幽惆悵明朝別雲
山不可留

雲居訪徐長谷不遇

偶乘白雲興策杖叩松關禪室僧初定煙霞客
未還天空秋色澹谷靜鳥聲閑回首城陰暮千
林月照山

避寇山中即事

豈愛桃源隱幽棲雲谷深
許多蕭瑟意總是亂
離心葉落憐荒徑鳥飛愁
夕陰江城猶鼓角聽
罷欲沾襟

班姬怨

容色豈常好君恩能不移
寵去憑誰語心違只
自知玉階愁裏路團扇怨
中詞寂寞宮門掩
篝燈無限思

秋夕

高閣涼生樹殘陽半掩扉
千山含日暮一鴈帶

秋飛懶性憐中散閒身愧少微倚樓無限思落
寞壯心違

過雲居縉上人蘭若

中峰江上寺寒磬遠公廬竹徑殘煙斷松窗落
照虛定中真法界幻外即雲居久結東林社因
之問六如

玉泉觀魚

玉泉秋寺靜日落半池陰偶有臨淵興全無投
餌心凌風應變化安土且浮沉出聽靈猶在憑
誰一鼓琴

酬陳六亭憲使過訪山亭

昨霄風雨急花落草堂多
何意來驄馬衝寒訪
薜蘿竹光搖夕霽柳色動陽和高
格風塵外雲山共咲歌

春日懷徐龍灣邦伯

風微吹短鬢花落戀殘枝
天淨雲孤起樓高日
下遲山情宜對酒春興欲催詩
青折河邊柳憑誰寄所思

宿中峰舊遊

中峰開絕壑虛閣俯滄洲
殘日挂孤影寒江鳴

急流鳥歸青嶂夕鐘動白雲秋何意十年別重
來宿舊遊

陪陳憲使宴童侍御園亭對雪

白雪下賓筵清風動管絃曲從花裏度詞並郢
中傳潦倒梁園酒追陪漢苑僊醉歸逢野老相
對說豐年

山亭雪霽候陳曹二憲使不至

曉霽開虛閣寒陰散早春移花思對酒留雪爲
邀賓池凍流泉細山晴映柳新遙憐雙憲節驄
馬正風塵

久病丹客送悟真篇兼示修煉之術奉答

三首

浮生俱是幻悟幻即吾真久不知離坎何由定
主賓空尋朱裏永不煉病中身寄謝金丹客玄
機莫易論

久耽愁裏病未辨酒中蛇着意存丹氣虚心候
道家檢方無內藥聞術有黃芽欲煉芙蓉鼎如
何伏火砂

靈質終難鍊陰魔豈易消懸知龍虎伏須信坎
離交象外玄珠現爐中玉蓋調西華思不到魂

入詩選下
夢自逍遙

送周東岩大尹之新興

別袂秋雲結晴江
夙霧消路隨蠻嶂
遠人隔楚天
遙南海迎僊吏
西陵送上潮
清風聽佳頌
早晚入丹青

初冬山亭即事

避俗常扃戶
乘閑且上臺
黃花秋意盡
白髮暮年來
世事隨鷗鳥
山情只酒杯
月從今夕起
梅到幾時開

送左澹成歸毘陵

歲暮思歸客梅花欲斷魂片帆飛越水三日過
吳門衰草覆寒路殘陽澹遠村旅遊今異昔誰
不重王孫

送友人遊齊雲岩歸吳

扁舟乘興客遊嶽復歸吳地勝僊留跡山竒天
作圖到岩雲共渺返棹月同孤望望姑蘇道幽
花候石湖

日暮滄江上逢君倚棹還荷衣猶嶽色玄髮帶
僊顏芳草迷新路煙花隔舊山去來無限思回
首白雲間

詠花間美人得飛字

美人芳樹下
咲語出薔薇
細草軟侵步
香風輕拂衣
情隨遊蝶舞
意逐綵雲飛
無限傷春思
花前未忍歸

繙上人雪中過訪山樓次前韻

山閣靜芳塵
寒光映角巾
忽來雙樹客
疑是散花人
足白非關雪
梅紅欲報春
袁門自高閉
不與謝家鄰

老母九十除夕同后厓兄稱觴喜賦

除夕是佳辰
承歡九十親
歲分椒頌酒
綵戲老

萊人萱草獨凌雪
荆花並帶春
稱觴太平日
不負歲華新

酬王近山岳伯過訪

軒蓋相過日
蓬門草正春
豈期十年別
復見千里人
把袂歡如昔
論交意轉新
相逢真似夢
一咲白綸巾

除夕臥病寄呈張南屏僉憲

寂寞病相如
那堪值歲除
樽前虛栢酒
燈下檢方書
老我驚華髮
憑誰慰索居
何心問時事
春意
意在樵漁

南屏山寺訪僊一首

春遊湖上寺因訪武夷君步葉入青谷穿山度
白雲天花隨鶴下禪磬隔溪聞欲問僊家事千
峰日已曛

茅鹿門兵憲初歸過雲居偶會

聞君解鵲印塵外寄高蹤鴻鵠心俱遠煙霞興
偶同亂山晴障曲遠樹暮雲中憶昔青雲客俱
成白首翁

夏日同張元洲朱九疑張澤山宴江巨石

池亭

亭虛屏煩暑歌舞豔芳池鮮愠風生竹披香荷
泛卮雲霞時縹緲花鳥亦參差佳會同心賞情
忘樂更奇

陪郭李二員外湖上泛舟

喜逢郎省舊逸興動滄洲花泛高陽酒僊同李
郭舟遠峰含宿雨殘照映晴樓莫惜春光晚還
期秉燭遊

送社友周與鹿大尹北上

歲暮送君行雲山無限情社分寒月白人帶曉
霜清望闕看津柳懷鄉數驛程朝端振風采書

報慰平生

三茅山閣期王謝二友不至

期訪玄關隱翻虛高閣樽山青迎謝客草綠望
王孫解帶閑雲壑披襟候石門無由接僊侶空
對夕陽暄

兩過雲居訪縉上人
不遇聞送客僧之江
上候晚不歸書壁嘲之

爲訪中峰客重來雲外山秋光明聖水竹影閑
禪關讀律孤僧去聽經夕鳥還無時休錫杖誰
謂上方閑

七言律

湘江望岳陽有感

湘川遙帶岳陽樓，江水縈迴日夜流。
島嶼遠含巴甸月，風煙近接洞庭秋。
采蘭未返孤臣恨，鼓瑟空餘二女愁。
回首白雲無限思，數聲寒鴈又滄洲。

黃鶴樓

樓倚高天映碧岑，空亭木落楚城陰。
漢陽江抱玄巖隱，鸚鵡洲含玉樹深。
春草自多黃鶴思，秋山無復白雲心。
紫陽僊客今何在，千載惟餘孤

笛吟

九日登三茅山閣

玉觀凌虛積翠華
蒼巖縹緲隱僊家
乘秋取醉三茅酒
隨興還搴九日花
山月欲來雲樹暮
江煙初起夕陽斜
酣歌不整風前帽
猶恐人疑是孟嘉

避暑湖中有感

泛泛扁舟何所之
西陵蟬噪夕陽時
風從花裏分香遠
山在雲中出影遲
湖海一身猶念國
兵戈六月未還師
火雲尚爾千峰外
解慍何由慰

所思

九日鄭車谷都憲邀飲青龍山寺二首

青山遠近帶南州
落木寒泉聽轉幽
衰草寺深黃菊徑
斜陽人倚白雲樓
城連楚水蒹葭晚
月滿秦臺蟋蟀秋
對景更多鄉國思
好懷空憶晉風流

洛陽萬里遠辭家
九日龍山對菊花
塞鴈欲來霜樹暮
村煙初上夕陽斜
傳杯漫說逢索紹
落帽還應咲孟嘉
樵笛一聲江月白
禪林秋色滿煙霞

漢江秋泛有感

江上晴雲帶遠洲，偶同僊客泛中流。
芙蓉花倚斜陽暮，琥珀杯傳玉露秋。
世事浮沉雙白鳥，天涯踪跡一漁舟。
煙波極目情無限，黃鶴不歸空倚樓。

送傅近山方伯之楚

由浙江右轄
陞湖廣

征帆五月下瀟湘，楚甸藩垣控漢陽。
節鉞望風瞻翠嶽，保釐隨地詠甘棠。
紫薇臺接雲霄近，黃鶴樓開江漢長。
落日飛蓬自千里，吳山楚水共蒼茫。

挽沈方竹

竹裏琴樽憶舊遊
瀟湘雲暗草堂幽
清陰滿地猿鶴怨
翠色一簾風雨愁
藥圃春迷三徑晚
松臺煙鎖九原秋
懷君偶爾聞隣笛
惆悵月明殘夜樓

初冬送友人之京

聞君仗劍入燕中
悵望霜鴻度遠空
別路自驚衰草北
離情還寄野雲東
孤帆輕帶千峰雨
匹馬寒嘶十月風
明日河橋關樹隔
瀟瀟落葉思無窮

入詩選下
三十一
初歸紫陽山亭即事

春風吹上紫陽臺，無數山花遠近開。
咲我十年何處住，宦遊千里始歸來。
懸知聖世容踈懶，豈是明王棄不才。
醉倚孤峰發長嘯，中原多事轉堪哀。

九日同凌雙橋朱九疑晚過紫陽洞天

洞裏煙霞晚更奇，醉携僊侶共攀躋。
白雲忽去山逾靜，黃葉自鳴秋不知。
時序百年嗟往事，勝遊九日是佳期。
羽衣玄鶴今何在，明月滿岩花落遲。

送祝九山歸閩中

昔年曾結青山伴此別又餘黃鶴思清夢不隨
流水斷白雲還與故人期江空日暮猿聲急海
濶天秋鴈度遲君到武夷如憶我梅花早寄歲
寒枝

同趙方厓大理張元洲憲使晚飲放鶴亭
山下孤亭此共遊芙蓉無語隔芳洲西陵人散
雲山暮南陌花殘煙水秋鳥帶夕陽沉遠樹月
含夜色過高樓獨憐放鶴人何在吟落梅花意

轉幽

重陽前一日同沈青門諸君登三茅山閣
古木蒼山靄夕暉中天玉觀轉崔巍月臨虛閣
雲初散潮落空江鴈未歸谷口寒花依渚靜風
前殘葉帶秋飛明朝重有登臨興回首松陰隔
翠微

陪曹峒峰憲使集童侍御園亭

文園高會坐蒼苔山翠遙分秋色來池上傳聲
風度曲竹間移影月臨臺酒深不媿淵明興賦
就終慚子建才秉燭莫辭今夕醉寒花無數候
君開

瑞石山閣望江

高閣凭臨絕壑幽山城一帶俯江洲疎林斷壁
分青靄隔岼殘潮急暮流島嶼沙明千嶂夕海
門雲散片帆秋雄圖千古憐吳越風雨西陵一
釣舟

山中月下聞鴈

坐對千峰月正明忽驚寒鴈度江城沙邊影落
雲無跡海上群來秋有聲遠塞風高應萬里空
山露白欲三更孤懷此夕誰爲侶獨立蒼茫無
限情

九日登定南樓

偶來初地一登樓
雲散高城宿雨收
興到青山憐九日
遊從白社賦三秋
風前落葉催遲暮
天外長江帶遠流
戎馬邊疆何日定
不堪寒鴈叫滄洲

芙蓉初開宴童南衡池上

又見芙蓉新着花
園林秋色帶煙霞
風前浥露雲初散
池上邀賓日未斜
白社翻疑秦地沼
青山如對習池家
醉歸藜杖情無限
一徑松陰澹月華

病起劉望陽胡圓洲張玄洲過訪論詩

簾開草色亂侵牆多病經春思渺茫好句漫從
閒裏得愁懷都向醉中忘抱琴每憶嵇中散作
賦誰憐司馬長窮巷久無車馬跡白雲來去咲
詩狂

上巳集煙霞洞

洞口春遊覽物華白雲芳樹坐烟霞岩廻紫澗
分泉細谷轉青谿帶日斜到處采蘭臨曲水幾
人楔飲過僊家醉歸不省山中出猶道流觴泛
落花

送李懷白北上春試

東涯成科狀元

送君重憶李東涯
昔日先簪上苑花
文運百年應有待
壯心萬里肯言賒
春風劍珮宮花煖
曉日龍池御柳斜
驤首雲霄還獨步
聲華不媿舊名家

初歸湖上即事

憶別鄉園近十年
歸來還整傍湖田
青山猶在煙霞裏
白髮羞將桃李前
載酒懶隨冠蓋客
尋花又上水雲船
獨憐往事俱成夢
一咲滄洲意渺然

除夕宿東山雨雪寂寥遣興

去歲茲辰燕塞北今宵又宿楚雲東
獨憐狂客梅花興常在深山雨雪中
旅思不禁雙鬢白好懷虛對一燈紅
椒盤此夜誰爲頌愁聽哀鴻度
遠空

春日有感二首

年來幽興寄漁簑春事都從夢裏過
暫止烏棲村舍少亂鳴蛙聚野塘多
不堪白髮驚師旅強對青山臥薜蘿
聞說總戎勞汗馬海鷗消息近如何

獨立蒼茫有所思
茅齋高柳覆清池
幽花無語曉爭發
好鳥自鳴春不知
金谷樓臺悲往事
王孫芳草惜今時
風塵蹤跡渾無定
况復頽衰兩鬢絲

送李小鰲水部還蜀

關河惜別李司空
遠樹含情落照中
春水已消巴蜀雪
曉帆猶帶浙江風
人歸巫峽雲千里
路轉瀟湘月萬峰
回首天涯無限思
猿聲猶在楚江東

奉和呂銀臺秋湖夕泛

翠屏遠近帶層陰秋水含光落照深興轉玉樓
人未醉歌迴錦纜日初沉白雲天外催遲暮黃
葉風前變古今聞說徵車迎渭叟山林肯易廟
堂心

送王箕泉評事復之金陵得群字

山城遙帶夕陽曛花裏啣杯又送君鳩鵲樓開
三晉月鳳凰臺接五陵雲高風已識張廷尉詞
翰猶傳王右軍江北江南望楊柳依依還似未
離群

登雨花臺次茅見滄韻

秋風蕭颯度高臺遙望江城思轉哀
花雨無緣僧不住山靈有主客還來
夕陽衰草迷青野古殿荒基空碧苔
六代興亡君莫問禪宮惟見白雲迴

紫陽山亭送許茗山大叅北上

山風吹衣春冥冥離尊復酌春山亭
紫薇僊客忽分袂幽花野鳥俱含情
十年媿我頭盡白萬里憐君眼更青
此日中原正多事願留屏翰翊明廷

送張元洲大叅北上

三月煙花滿路紅
上林春色正無窮
白雲不復留安石
芳草應憐送長公
黃鵠自隨征鴈北
遠山還寄暮雲東
離歌一曲夕陽外
回首相思明月中

同茅見滄張澤山王冉山登寶奎山閣

高閣層岩坐夕陰
亂峰蒼翠鎖雲林
山圍斷壁珠璣隱
潮起寒江島嶼深
天外夕陽看鳥度
樽前落葉帶風吟
南朝遺跡殘碑在
對景空懸悵望心

鳳山懷古

鳳山宮闕昔嵬峩無數煙花照綺羅舞鳳臺空
荒草亂棲霞嶺在夕陽過不堪古道垂楊少依
舊江聲入夜多風景似餘千古恨白雲來去意
如何

晚晴同茅鹿門諸君集雲居山房

雙樹遙分聖水涯隔林秋色帶煙霞亂峰收雨
穿雲出細竹含風繞徑斜僧立翠微迎野客鳥
啼殘照過山家百年高會原無幾一醉何須問
落花

酬曹峒峰憲伯再過山亭

山池雨霽漲新流
憲節重過狎野鷗
看竹肯嫌衰草徑
烹葵不厭白雲秋
談經敢擬楊雄宅
對月慚非謝朓樓
近日風塵轉多事
幾人良馬問滄洲

宿山庄有感

瀟瀟落葉暮山空
白憤長歌一劍雄
懶慢只宜同阮籍
踈狂那復似山公
參差鴈影夕陽外
寂寞鐘聲野寺中
戎馬邊疆何日定
煙霞秋意自無窮

雨後湖西觀桃花

山雲忽捲湖西雨，春色遙分兩岬花。
香濕馬蹄芳草亂，鳥棲煙樹夕陽斜。
一枝照水含朝露，幾樹臨風落暮霞。
多少遊人醉歌舞，王孫何事隔天涯。

雨霽尋桃源

步入桃川渡口西，萬峰秋色映丹梯。
山中黃髮人應在，江上青谿路欲迷。
流水帶花縈古洞，殘陽含雨照前溪。
武陵山色空相對，回首白雲惟鳥啼。

江上寺

柱杖漫遊江上寺松聲雲影逐人來江深煙鎖
魚龍窟谷靜風生鳥雀臺珠閣倒翻天外迥錦
山斜向海門開岩花半落渾無語咲對漁翁濁
酒杯

中秋同胡圓洲張玄洲諸友草堂對月

瑤臺月上海西頭天柱清光逼斗牛萬里雲開
關塞迥一天露淨草堂幽重門影閉陶潛宅殘
夜寒生謝眺樓翻咲燈前詩酒興角巾猶是昔
年秋

早春鷄鳴山寺次王箕泉韻

聞鐘偶過白雲扉
竹裏殘陽度翠微
山迥石城開寶界
水分玄武抱王畿
草迎淑氣含青出
鳥弄新聲傍綠飛
自是宦遊驚物候
探春猶未報芳菲

遊靈谷山房次茅見滄侍郎韻

翠微香閣淨朝氛
出院鐘聲遠近聞
春谷鳥鳴雙樹曉
石牀僧定一燈分
寺深松徑群蒼鹿
地接僊陵帶紫雲
世界三千俱是幻
空餘白幘醉斜曛

過施虎泉戶侯園亭留飲次韻

草閣留歡對夕曛
落花尊酒坐氤氲
山頭月色隱高樹
竹裏鶯聲老暮雲
墨客真慚岑補闕
文園不媿鮑參軍
憐君終歲勤王事
白社瑤篇久未聞

病起同社友集山亭

柴門三月無人到
只有閑雲伴薜蘿
老去年華愁裏度
春來時事夢中過
靜窺山雀飛何遠
細數岩花落更多
獨喜滄洲詩社在
醉狂仍聽接輿歌

水心亭有感

湖心望望白雲層與客來遊感廢興蕭寺千年
空北渚水亭一派接西陵波搖落日憐荒草檻
對青山憶舊僧把酒臨風莫惆悵菰蒲依舊起
漁燈

九日紫陽洞天宴集

九日看山到紫陽萬峰秋霽鬱蒼蒼風前把酒
情偏逸醉裏尋花興欲狂黃鶴不歸僊子洞白
雲猶拂羽人裳登臨擬賦東籬句江月含煙度
女墻

平倭賦贈大總戎司馬二首

大將承恩整六軍分麾百道下江濱
霜飛劍戟寒星斗風捲旌旗掣海雲
神武萬方懷聖主
太平千載荷元勳
愁顏都爲將軍破金甲遙從

細柳分

氛祲全銷十月風羽書不復九華宮
班師還錫召公社懸賞應歌江漢功
戰伐幾年愁汗馬流移千里集飛鴻
從今絕島驚師旅銅柱重標海
日東

送陳抑亭憲副北上

時內艱服闋
社友餞之

君家鴻鴈聯翩去惆悵秋風白社前
別思猶含

萱草夢離情又繫菊花筵白雲不宿陳蕃榻青
雀還隨李郭船近日 聖朝無次擢內臺多補

外臺賢

三茅山對月望海門

寂寞空山紫翠幽振衣長嘯碧峰頭僊宮縹緲
白雲暮絕壑參差玉樹秋江帶潮聲喧石瀨樹
分月色過山樓興來便欲招玄鶴飛向滄溟萬
里遊

春興次韻

墻角花枝亂綴陰遊絲還繫少年心日長樓閣

鶯聲細春滿池塘草色深老去風情渾不減興
來詩思澹難禁看山漫倚青藜杖華髮蕭疎愧
玉簪

送田水竹山人歸揚州

山人高雅昔曾聞乘興來遊又識君身著荷衣
非謝客眉多道氣豈田文水邊野鳥堪爲伴竹
裏閑花自作群跨鶴復歸玄思逸春風吹送渡
江雲

同茅見滄王冉山周東岩春夜泛湖

花裏春遊饒晚興風迴錦纜月明樓隔溪燈火

分漁市入夜笙歌起宿鷗桃柳漸迷煙徑遠魚
龍欲動浪花浮且將醕酌酬芳夕還擬乘槎泛
斗牛

送桂亭兄北上

草綠紅亭春正深那堪白首又分襟一天雨露
隨征蓋三月煙花滿上林望望河橋鴻鴈影依
依雲樹鶴翎心離歌莫奏陽關曲凄斷東風思
不禁

江上送祝員外歸閩中得秋字

僊郎十載隱滄洲去住無心狎海鷗家在武夷

青障曲人歸鴈宕白雲秋千山葉落閩南路一
水花明江上舟尊酒離亭忽分袂夕陽啼鳥不
勝愁

沈少吳侍郎過訪山亭留宿

草閣涼生五月風忽傳佳客來吳東角巾訪我
意自好藜杖隨君興亦同一榻閑情煙雨外十
年塵夢別離中相看此夕真良晤莫訝蕭蕭短
鬢蓬

宿山庄吳門友人携妓招飲湖上

結廬避俗碧山阿有客尋春載酒過十里煙花

啼鳥靜六橋芳草夕陽多放船笑倚吳郎席聽
曲翻憐越女歌追憶石湖舊遊處一溪風景近
如何

天中逢寒食遊湖上兼懷喻吳臯侍御

春來遊興滿天中湖上春詞媿未工芳草徑迷
憐夜雨海棠花落怨東風楚魂吟亂空山月蜀
魄啼殘古墓松樽酒莓苔隨意坐賞心應與使
君同

送曹憲使進表北上

龍馭中天明紫極高呼八月動皇州憲臣持節

三千里 聖主垂衣四十秋
金鑑遙看趨鳳闕
丹心先已達螭頭
清風滿路隨僊旆
和入南薰
作舜謳

晚霽同周蘭墩叅府登應宿樓望湘江

楚江不斷三秋雨
山色新開百里晴
簾捲紫薇
啣暮景樓迎黃鶴
近高城蒼梧野濶雲猶暗
湘水天連月倍明
豪興與君真忝竊
異鄉樽酒莫辭傾

贈祝九山員外六秩

公閩人寓居吳山

天畔春山草木新
喜君初度值芳辰
幾年青瑣

入詩選下
四三
辭明主六十滄洲識老臣鳩杖遙迎閩海日羽
觴還泛越江春無心去住成真隱丹就何嫌舊
業貧

送張玄洲應貢北上

君携僊桂上林栽還擬丹枝遇主開三十年餘
淹泮水數千里外嘯燕臺往時卜玉誰憐璞今
日
明廷解愛才白首相知忽相別不堪明月
獨歸來

高光州詩選卷下終

高光州詩選後序

元洲張瀚撰

詩之作本乎情者也變態不同體裁異製雖各
趨妙理難以軌齊至於超然離群幽閑雅則象
外顯意旨内含真讀之入想宛若憑虛越絕夙
契融釋茲神品也非夫解脫塵囂心逸神曠景
與情化興寄物先安涉其津乎古今作者迨非
一人或累帙而得其篇或因篇而得其句陶謝
李韋之後寥然莫之嗣焉予年友高光州同社
之雋才也居名而不澁於仕處世而不混於俗

把玩物情俯仰宇宙嘯歌舉白萬累咸畢故發
而爲詩追踪古人信足嘉矣今觀鹿門君所選
篇章具在斯爲有徵過此以往所作日富更當
與同志繼而評之



書

名

著

者

刊

本

紙

類

冊

數

價

銀

高光州詩選二卷

明高應冕撰 鹿門茅坤選 嘉靖庚申刊本 白棉紙 初印 卷首曹天祐序 卷末張瀚後序 四冊一函

高應冕字文中仁和人 嘉靖甲午舉人 官光州知州

(右錄四庫總目一七七卷)

集部別集類

富晉書社編目稿






浙江圖書館善本

冊號：020789

一九二九年一月一日







浙江圖書館善本



登記號：020789

一九 年 月 . 日





行 禮 堂 藏 書 印



TIFFEN Color Control Patches

© The Tiffen Company, 2007



© The Tiffen Company, 2007

TIFFEN Color Control Patches

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]